

敕修陝西通志

第六
卷十
冊

陝西通志第五十二卷

名宦三

勅使

監司

教習

勅使

趙過爲搜粟都尉過能爲代田一畝三畝歲代處故曰代田其耕耨下種田器皆有便巧率十二夫爲田一井一屋故晦五頃用耦犁二牛三人一歲之收常過縵田畝一斛以上善者倍之過使教田太常三輔大農置工巧奴與從事爲作田器三千石遣令長三老力田及里父老善田者受田器學耕種養苗狀民或苦少牛亡以趨澤故平都令光教過以人輓犁過奏光以爲丞教民相與庸輓犁率多人者田日三十畝少者十三畝以故田多墾闢過試以離宮卒田其宮墻地課得穀皆多其旁田畝一斛以上令命家田三

輔公田是後三輔太常民皆使代田用力少而得穀多

漢書食貨志

汜勝之成帝時為議郎劉向別錄使教田三輔有好田者師之徙為

御史

漢書藝文志

來歙字君叔南陽人建武五年拜中郎將八年春與征虜將軍祭遵

襲畧陽因保其城隗囂盡銳攻之帝大發關東兵自將上隴囂衆

潰圍解於是置酒高會勞賜歙班坐絕席在諸將之右詔使留屯

長安悉監護諸將

後漢書本傳

北周

薛善字仲良汾陰人太祖欲廣置屯田以供軍費除司農少卿領同

州夏陽二十七屯監又於夏陽諸山置鐵冶復令善為冶監每月

役八千人營造軍器善親自督課兼加慰撫甲兵精利而皆忘其

勞苦焉論功賜爵龍門縣子

周書本傳

榮字長榮太原人周宇文護引爲親信以功授大都督護以稽胡
數爲寇亂使榮綏集之榮於上郡延安築周昌弘信廣安招遠咸
寧等五城以遏其要路稽胡由是不能爲寇

隋書本傳

隋

崔仲方字不齊博陵人少有文武才畧隋文帝受禪進位上開府授
司農少卿令發丁三萬於朔方靈武築長城東至黃河西拒綏州
南至勃出嶺綿歷七百里明年復令仲方發丁十萬於朔方已東
緣邊險要築數十城以遏寇

北史崔挺傳

開皇三年奉令築直羅城又

嘗開渠溉田人皆德之

舊志

唐

狄仁傑字懷英并州太原人高宗授侍御史使岐州亡卒數百剽行
人道不通官捕繫盜黨窮訊餘曹紛紛不能制仁傑乃明開首原

格出繫者稟而縱之使相曉皆自縛歸帝嘆其達權宜

唐書本傳

宋

王公字聖源大名館陶人中進士第遷監察御史天聖五年安撫關

陝減諸縣秋稅十二三

宋史本傳

王堯臣字伯庸應天虞城人陝西用兵爲體量安撫使將行請曰故
一事使者所至稱詔存問官吏將校而不及於民自元昊反三年於
今爲甚請以詔勞來仍諭以賊平蠲租賦二年仁宗從之使還上
言陝西兵二十萬分屯四路然可使戰者止十萬敵衆入寇常數
倍官軍彼以十戰一我以一戰十故三至三勝由衆寡不侔也涇
原近賊最當要害請益團土兵以二萬屯渭州爲鎮戎山外之援
萬人屯涇州爲原渭聲勢二萬屯環慶萬人屯秦州以制其衝突
又論延州鎮戎軍渭州山外三敗之由皆爲賊先據勝地誘我將

帥不能據險擊歸而多倍道趨利遂致掩覆願勅邊吏度遠近立營砦量敵奮擊毋輕出時韓琦徙秦州范仲淹降耀州堯臣言二人不當置散地又薦种世衡狄青有將帥才明年再安撫涇原又請徹潼關樓櫓皆報可

宋史本傳

蘇保衡字宗尹雲中天成人僕散忠義伐宋保衡行戶部於關中兼糾察許以便宜黜守令不法者十餘人邠守傅慎微忤用事者被讒構下獄且死保衡力救之得免

金史本傳

馮璧字叔獻正定人

承安二年進士四年調鄜州錄事明年伐蜀行

部檄充軍前檢察帥府以書檄委之及還遷一官貞祐三年改大理丞與臺官行關中劾奏姦賊之尤者商州防禦使宗室重福等十數人崔貴訓丁巳遷刑部郎中關中旱詔璧審理冤獄時河

中帥阿虎帶以棄城罪當死繫同州獄待報壁曰河中重地朝議擬為駐蹕之所以彼宗室勲貴故使鎮之一旦有警遽焚蕩而去此而不誅三尺法無用矣竟以無寬上之

金史本傳

元

別吉連上都宜興人至大四年陝西延安諸翼衛探馬赤爭草地訟者二百餘起命往究之悉正其罪

元史拔都兒傳

明

王彰字文明鄭州人洪武未領鄉薦永樂五年擢禮部右侍郎遷戶部陝西疫遣祀華嶽還奏陝西民鬻賣男女以償逋租甚可憫念詔悉蠲逋官給楮幣贖所鬻人

名山藏

羅汝敬吉水人宣宗即位進工部侍郎命理陝西屯田劾貪暴守將經度占田均與細民立輓運法置河渠吏

名山藏。按江西林志汝敬名肅與此不同考

登科錄永樂甲申進士
有羅汝敬蓋以字行也

王佐海豐人宣德初爲戶部右侍郎經理陝西糧儲疏言軍衛倉弊

百端請改隸有司天下稱便

名山藏

尹旻字同仁山涇城人正統戊辰進士擢通政司左叅議天順辛

巳王師有事於陝西旻出總軍餉有白金綵幣之賜

懷麓堂集

時阿羅

入寇延綏旻奏敵退河開軍馬衆多供輸困極乞罷兵以息民從

之

馬志

李衍隆慶州人景泰辛未進士爲戶部右侍郎轉左成化二十一年

奉勅總督三邊軍儲兼賑饑民齋心禱雨所至響應又引渭水爲

渠以利居人全活甚衆

名山藏

朱瑄字廷璧鄆人成化巳丑進士兵部郎中陝饑專勅往賑宥出輕

盜給與穀種牛具勸課流民所活六十餘萬

名山藏

顏願壽湖廣人以大理少卿委查延慶諸務時劉瑾立法查糧各邊
衛屯田欲有增益及查軍欲三丁抽一爲正軍又以官銀散給軍
民每四錢責運邊糧一石每二分五釐責納邊草一束賦重法嚴
人不堪命願壽不肯阿徇一切以寬大處之忤瑾意取回送者扳

轅不及咸望車塵拜祝

賈志

李如圭澧州人弘治己未進士累遷右僉都御史奉命賑延綏疏荒
政十餘便宜行之存活數萬人

湖廣通志

蔡國熙永年人嘉靖乙未進士明代自嘉靖間設榆林戶部郎中總
理延寧糧儲後因延綏糧多奏屬延綏國熙初任邊儲冒漏詭詐
百端國熙隨事清刷夙弊悉蠲兵民歡洽又以其暇創立書院會
合生徒研窮理學接引後進加以藻鑒一時士類濟濟○張我繩
鄆人鄉進士以戶部郎司餉延寧適歲大侵我繩多方處給惠

洽三軍去後建祠迄今尸祝不衰

延綏鎮志

金煉山東武定人進士督

延綏糧儲事時軍饟苦不給煉力請度支嚴檄郡國飛輓屬至給

散以時

賈志○按農曹督餉自國熙始專理延綏張金兼理延寧附見可也

廣廈字可發萬安人嘉靖進士隆慶三年擢御史出覈陝西四鎮兵

食斥將吏隱占卒數萬人歸伍

明史

鮑道明字行之南直歙縣人嘉靖戊戌進士給事中會御史奏延綏

失事巡撫都御史以捷聞命以兵科給事中蒞視之徧閱敵出入

並人畜多寡按軍府部署方畧較諸將程期論罪輕重覆首功虛

實策賑濟防禦諸便宜議上報可聞者謂千鈞一發

賈志

牛惟炳字承庵曲周人萬曆甲戌進士選給事中陝西荒旱惟炳以

封王入境見餓殍枕籍即馳疏請賑發銀五十萬差官賑濟

幾輔志

陳良知山東莒州人舉人任延寧糧儲郎中釐剔侵牟以時給放清

苦恬淡稱一時廉吏

賈志

顧言江陰人萬曆壬辰進士以戶部郎督延寧糧儲往時以縣官不給大司農每發金錢不能如額如期以致師不宿飽言獨力請之司農雅重言輒如其請額盈期早軍皆果腹言性廉明出納之際吏不敢緣以為奸時進青衿士講解經術學者仰若山斗以憂去

延寧府志

王象祿黃岡人舉人戶部員外郎榆林督餉逆闖臨城家祿拊循士卒分調芻糧乘騎下城聞賊入即拔一卒小刀自刎未殊衆扶生馬或來告曰賊已有約降者不死家祿于馬上唾之曰吾丈夫也豈降賊者耶更策馬至上帝廟前索所佩刀劉死

延綏鎮志

按勅使雖無專寄然勞動克著地方實受其福明大理少卿永興曹璉御史金華章聰又皆以參贊軍務至延綏軍民頌之亦

一時之選也

監司

五代

馬全節字大雅大谷元城人歷金州防禦使廢帝時蜀人攻金州
全節散家財與士卒堅守蜀人去

五代史本傳

宋

張暉幽州大城人宋初遷華州團練使在郡有治於建隆二年朝
伐蜀遷鳳州團練使兼緣邊巡檢壕砦橋道使暉盡得山川險
密疏陳之太祖大悅乾德二年大軍西下暉督兵開大散關路
撫士卒且役且戰人忘其勞

宋史本傳

鄭文寶字仲賢福建寧化人授陝西轉運副使許便宜從事會
誘豪民出粟三萬斛活饑民八萬六千口累徙河東轉運使

遷圍麟州令乘傳晨夜赴之圍解復任陝西轉運使

宋史本傳

王承美豐州人開寶二年授豐州牙內指揮使改豐州刺史太平興國七年與契丹戰斬獲以萬計擒其節度使韋太以獻明年契丹來寇又擊敗其衆萬餘追北至青冢百餘里斬獲益衆以功授本州團練使淳化二年來朝令歸所部控子河以自是諸蕃歲修貢禮頗效忠順景德初遷本州防禦使初承美內屬給奉同蕃官例至是特詔月增五萬尋請於州城置孔子廟詔可之初承美養其長孫文玉爲子及卒其本族首領上言文玉曉達軍政請令襲任下蕃漢議議同以爲知州事

宋史本傳

王禹偁字元之濟州人進士太宗時謫商州團練副使惟種蔬自給

賈志

王禹偁字彥回河中萬泉人遷河東轉運使徙陝西河中浮橋歲爲

所敗顏即北岸醜上流爲支渠以殺水怒因取渠水溉其旁田民頗利之坊州募人鍊礬歲久課益重至有破產不能償者顏奏罷坊礬則晉礬當大售後如其策仁宗即位知耀州部有豪姓李甲結客數十人號沒命社少不如意則推一人以死鬪之積年爲鄉人患莫敢發顏至大索其黨會赦免特杖甲流海上餘悉籍於軍

宋史本傳

曹儀字晉臣以祖彬蔭補右班殿直累擢至耀州觀察使初儀知邠州有告弓箭手都校李文宸將叛者朝廷命儀察之文宸習知蕃漢事邊人多畏伏其後帥府以爲腹心李父瑋在邠亦所委用儀明其不反益信任之邊人莫不感悅

隆平集

包拯廬州人除陝西轉運使奏罷斜谷務造船材木十萬及罷七州

河椿竹索十萬

隆平集

明鎬字化基密州安丘人中進士第知同州未逾月會元昊寇延州起為陝西轉運使虜破金明若既去議修復其城帥臣擁兵不即進鎬以百餘騎自督將士一月而成又常閱同州廂軍得材武者三百餘人教以強弩奏為清邊軍號最驍悍其後陝西河東頗倣置之鎬所至安靜有體而遇事不苟為世所推重

宋史本傳

張存字誠之冀州人舉進士為陝西轉運使黃德和之誣劉平也存奏言平與敵接戰自旦至暮殺傷相當因德和引卻以致潰敗延州孤壘非平解圍其城必不守身既陷沒而又為讒狡所困邊臣自此無復死節矣朝廷始遣文彥博按治由是平得直而德和誅

宋史本傳

范祥字晉公邠州三水人進士及第自乾州推官稍遷殿中丞歷知華州提舉陝西銀銅坑冶鑄錢祥曉達財利建議變鹽法後人不

敢易稍加損益人輒不便提點本路刑獄累遷提舉陝西緣邊青
白鹽改制置解鹽使卒嘉祐中包拯言祥通陝西鹽法行之十年
歲減糴貨務使緡錢數百萬其勞可錄

宋史本傳

李叅字清臣鄆州須城人歷知興元府陝西轉運使部多戍兵苦食
少叅審訂其闕令民自隱度麥粟之贏先貸以錢俟穀熟還之官
號青苗錢經數年廩有羨糧朝廷患邊費益廣叅建議輦錢邊郡
以平估糴權罷入中法比其去省糴貨錢千萬計召為鹽鐵副使

宋史本傳

熊本字伯通鄱陽人慶曆進士河湟初復以本為秦鳳路轉運使奏

省官百四十員減浮費數十萬

東都事畧

蔣之奇字穎叔常州宜興人擢進士第歷陝西副使經賊入以給用

度公私用足比其去庫緡八十餘萬邊粟皆支二年

宋史本傳

杜純字孝錫濮州鄆城人元祐中移陝府西路轉運使入對賜服金紫關隴控邊務繁純計度不勞閭牒訴立判情法皆當吏驚私相

視曰一筆盡矣

雞肋集

劉鞫字仲偃崇安人第進士調提舉陝西平貨司河湟兵食不繼鞫延致酋長出金帛易粟就以餉軍公私便之遂爲轉運使夏人來言願納款謝罪皆以爲詐鞫曰兵興累年中國尚不支況小邦乎彼雖新勝其衆亦疲懼吾再舉故款附以圖自安此情實也密疏以聞詔許之會再請者至鞫戒曰朝廷方事討伐吾爲汝請無若異時邀歲幣軼疆場以取威怒夏人聽命西邊遂安

宋史本傳

郭忠孝字立之河南人登進士第靖康初爲永興軍路提點刑獄措置保甲得勝兵三萬金人犯永興與唐重分城而守城陷死之贈

大中大夫

宋史本傳